

Nacrt zakona o kleveti objavljen danas

Danas su Ured Visokog predstavnika (OHR) i Misija OSCE-a za Bosnu i Hercegovinu objavili Nacrt Zakona o kleveti za Federaciju BiH i Republiku Srpsku.

“Sloboda izražavanja je stub demokratije. *Mora biti zagarantovana i zaštićena*” izjavio je Visoki predstavnik Wolfgang Petritsch. “*Sloboda izražavanja može se ograničiti samo onda kad postoji legitimni interes a ni tada ništa više neo što je to zaista neophodno. Jedno od prihvatljivih ograničenja slobode izražavanja je zaštita ugleda, što se i čini Zakonom o kleveti. Uvјeren sam da Zakon o kleveti daje potrebnu ravnotežu između slobode informisanja i zaštite ugleda*”.

Nacrt zakona podržava slobodu izražavanja usko ograničavajući odgovornost za klevetu i to u skladu sa najvišim međunarodnim standardima. Ovaj zakon će osigurati neometan protok informacija i ideja te će ojačati ulogu medija kao glasa javnosti. Prema Nacrtu zakona nema odgovornosti za izražavanje mišljenja i iznošenje tačnih izjava.

“Kada se usvoji, zakon će biti važan korak naprijed za BiH i sve njene građane” rekao je ambasador Robert Barry, Šef Misije OSCE-a. “Posebno mislim da bi BiH novinari na ovaj dan trebali gledati kao važan korak naprijed za njih, pošto će im ovaj zakon garantovati da mogu istraživati za svoje članke, a bez straha od krivičnih sankcija ili politički motivisanih optužbi za klevetu”.

Nacrt zakona je nastao kao odgovor na odluku Visokog predstavnika od 30. jula 1999. kojom je on pozvao na izradu i usvajanje zakona o kleveti na nivou entiteta, a koji će podržavati najviše međunarodne standarde. Odlukom se također pozvalo na ukidanje krivičnih zakonskih odredbi o kleveti. U skladu sa tom odlukom, OHR i Misija OSCE-a su ustanovali Savjetodavnu grupu za pitanja klevete i slobode izražavanja. Sastavljena od domaćih i međunarodnih stručnjaka, nominovanih od strane BiH vlada, predstavnika OHR-a, OSCE-a i Nezavisne komisije za medije (IMC), savjetodavna grupa je izradila i razmotrila Nacrt zakona o kleveti za entitete.

Nedavno su članovi entitetskih vlada i predstavnici medija upoznati sa Nacrtom zakona. Nakon današnjeg objavljivanja usljedit će čitav niz konsultativnih sastanaka kako bi se čuli komentari medija, pravnih stručnjaka, nevladinih organizacija i predstavnika vlasti. Kopije Nacrta zakona o kleveti mogu se vidjeti na internet stranici <http://www.oscebih.org>.

Za detaljnije informacije molimo kontaktirajte glasnogovornika OSCE-a Luke Zahnera na (++387/33) 292-449 ili glasnogovorinka OHR Alexandru Stiglmayer na (++387/33) 283-500).